

建寧府志卷之三十五

人物

武功

唐

劉守謙肅宗朝討安祿山有功授處州刺史今縣有刺史祠

陳巖字夢臣建州邵武縣人

時邵武縣屬建州人故綱目謂為建州人通

志作建寧縣人

慷慨有智略乾符間黃巢寇福建諸州

巖聚眾數千號九龍軍保鄉里巢不能為害時

建寧府志

卷之三十五

武功

一

二百四十六
爾

邑為黃連鎮巖表為義寧軍置鼓角賜牌印遂翦除餘寇境內悉賴以安

南唐

陳誨字巨訓建安人始生數月足勁能履其父異之因名為阿鐵及長趨捷有勇又呼為陳鐵事王氏有戰功建州被圍誨數出挑戰唐兵多苦之及城陷為王建封所獲將殺之誨走自歸查文徽文徽禮之復以為將使領兵招懷散亾且數表其能潘承祐亦薦之授劍州刺史破馬先

進有功拜建州節度使委以南方之事誨善脩
守備郡政無斃周師伐淮甸誨遣其子德誠率
師赴難壽春之役諸將多逗撓唯德誠力戰未
嘗挫衄師還拜德誠和州刺史誨由是恩寵日
加改其軍名忠義以旌之諸子皆至顯職在鎮
十年以疾求罷乃以其弟劍州刺史謙爲畱後
召誨還都疾甚後主親往視之未幾卒

林仁肇建陽人剛毅有膂力文身爲虎兒因謂之
林虎兒事閩爲裨將閩亡潘承祐薦之署爲軍

建寧府志

卷之三十五

武功

二

三百三十二

爾

校周世宗征淮甸仁肇將偏師出援壽州攻城
南大寨斬獲甚衆遂破濠州水柵授淮南屯營
應援使周人據正陽浮橋爲糧道仁肇率敢死
士載芻藁舉火焚橋逆流逆風弗及熾而退周
駙馬都尉張永德猿臂善射追仁肇射之矢至
仁肇輒格去永德驚遁及割地拜潤州節度使
移鎮武昌會李重進以揚州叛而淮南諸郡所
守各不過千人仁肇密說後主曰中原承衰亂
之後前年征蜀今取交廣還數千里而兵必罷

疲請假臣兵數萬北渡直抵壽春分據正陽因其思舊之民累年之粟復取淮甸勢如轉丸臣起兵之日聞於北朝言臣據兵竊叛事成歸國不則請族臣家以明陛下之無貳後主驚曰爾無妄言宗社危矣乾德三年以仁肇爲洪都節度使畱守南都仁肇素出于偏伍雖在將帥之位常與士卒均食同服以故多得士心又與皇甫繼勳朱令贇輩不叶因搆仁肇求援北朝欲自王江西後主潛使人鳩之初仁肇見知于陳

建寧府志

卷之三十五

武功

三

三百〇七

喬喬每言仁肇將外吾掌機務國雖迫蹙未易圖也及仁肇死喬歎曰事勢如此而殺忠臣吾不知死所矣

宋

魏勝建安人幼無賴膂力絕人隸軍籍爲市游徼嘗宿永安寺門下夢金剛神謂曰吾耳爲烏棲所苦爲我去之當與爾一指力覺而從其言勇力頓增靖康初從禁旅戍滑臺軍帥令軍中曰挽弩十石者補指揮使勝躍然應命帥詣教場

引試且下令曰若挽不及格者死勝挽弦時若有神助弦斷弩折一軍皆驚由是補本軍指揮使未幾歸建州爲威果指揮使部下葉儂輩以州司不支卸甲錢謀反指勝爲主時變起倉卒賴勝彈壓方議招降衆疑勝欲害之勝謂之曰今當與爾等決生死於神衆譁然聽命勝禱于神曰使勝不與諸軍同心任從諸軍造反殺人不服招降神其賜以凶兆如或勝之心不如此諸軍自生猜貳無故欲加害於勝神其賜以吉

建寧府志

卷之三十五

武功

四

三百〇十六

兆兆得吉衆始帖伏開城約降部使者以勝彈壓有功奏補承信郎權本州兵馬監押卒

謝勲字致遠建安人少孤寒及長膂力過人舉進士累歷邊任黃州首領黃安俊叛近臣薦勲才武可任召對稱旨勲會兵進擊擣其巢穴追獲安俊斬之轉右武大夫邊郡團練使卒贈威德軍節度使加贈少師

謝澈字瑩中建安人少師勲子也超逸不羣該綜書傳以任子恩授三班奉職調監雞川寨酒稅

復監虢州倉草場五遷至西頭供奉官改秉義郎劉韜辟爲陝西平貨司官進築鎮武軍又差提舉秦鳳路弓箭手司幹當公事勲没于王事上旌其後易以文階改授宣教郎監在京布庫知壽安縣丁內艱寓居嘉禾靖康之難澈謁太守請剡章赴元帥府勸進識者是之領祠卒官至朝散大夫

童僧字中州甌寧人志尚忠義嘗佐州兵擒勦逆賊李如海授建安縣籌嶺巡檢司不就景炎未建寧府志

卷之三十五

武功

五

二百
爾

謝枋得信州兵敗入閩見其英偉以詩勉其招集義兵用圖恢復

王諤字平叔建陽人父保宜檢校尚書兵部郎中晉開化元年諤以蔭補將仕郎出身後佐宋祖定天下有功賜鐵券其辭云卿倚朕如山朕倚卿如石山石之固永焉不摧太平興國四年遷右羽林將軍

劉韡字仲文一字潛文崇安人民先之子有知謀善兵從兄韜平陸寇有功補承信郎再從守真

定適敵圍城韜命韡以強弩射之敵知不可犯
退去轉修武郎又隨韜宣撫河北膽氣兼□舞
少怯以疾卒于家

劉衡字兼道崇安人少好馳獵試劍魁岸有威力
建炎初以勤王補官從韓世忠敗敵於濠累官
遷秩晚年棄官歸依郭爲樓扁曰大隱閉門謝
客潛心康節之學久乃徙武夷山爲小隱堂日
以詩酒自娛與胡寅遊其中霜晨月夕嘗吹鐵
笛或慷慨舞劍意氣浩如也

建寧府志

卷之三十五

武功

六

三百爾

元

黃昌元字子仁松溪人三歲而孤事大母以孝聞
至正十二年紅巾賊破松溪昌元慨然以克復
爲己任乃出其資物往處之龍泉青田募敢死
士三百餘人又集社甲數百人奮勇殺賊賊皆
潰去已而賊復來攻縣甚急昌元不能守乃往
浦城請援得徐德輝兵至賊復來襲縣治民兵
宵潰昌元乃與潘伯正復往龍泉青田招募壯
勇得金十五又吳祥一等五百餘人合元部民

義徐員等兵軍聲復振乃伏兵於西隅民家又使人登屋而伏自將寡弱出迎戰交綏而退賊追入西隅伏兵起賊衆大敗俘馘甚衆賊益衆復至諜者報曰賊幟亘十餘里不絕殆難敵昌元蒿目叱曰賊可殺不可避兵當戰不可降今日之事我則死之煽惑者斬遂揮兵命潘伯正守縣治命取民家門戶床凳塞諸巷口期曰聞砲出擊卽引兵二百伏塘下俟賊入發砲伏兵皆起內外鏖擊賊衆大敗會浙東追還金十五

又等賊勢復逼潘伯正父子皆遇害昌元將死士部出屯溪塹上郢復建新二萬戶復政和賊帥王驢復據松溪昌元引兵擊走之迎二萬戶于政和會縣長阿思蘭主簿顏岱歸縣至余嶺賊遮其歸路昌元整衆奮擊俘賊帥施虎始克入縣賊又至乾竹洋塹上營寨昌元分兵四出攻潰之俘賊帥李冬黃莽復居民三百戶二萬戶兵至松溪士卒利於剽掠搆飛語云杉溪里民黨賊且來攻二萬戶卽部署士卒令曰過杉

溪橋人無少長皆剿戮室無大小皆焚蕪前峰發昌元聞之力爭曰官軍所至將殺民耶且彼皆誑悞既原之若復肆焚戮是驅民復爲盜亂何時已耶我請招之於是杉溪千二百戶皆安業十三年浦城降賊池細承檄爲松溪主簿細父在政和山後兄惠在浦城南岸皆爲賊首細亦招集黨類將應之期日舉逆謀邑人大恐昌元購得其私書夜密與縣定計至四鼓發兵執細殺之及其黨七十餘人阿思蘭以昌元隄備

白嶺十五年山後賊連五又攻破政和縣阿思蘭復請昌元爲總督昌元糾合縣衆得萬有三千餘人團結爲忠義大社出界首余嶺楊梅林分屯以待之賊盡銳來攻昌元擊之每出必捷不敢復至青田山後賊來攻松溪至梓亭昌元引兵屯巖下輒敗走之至正十八年省府以建寧路同知阮德柔總制各縣義兵征邵武昌元爲參謀官授本縣主簿賞不酬功人皆惜之

連鏞字文韶建安人智之子強記能文嘗以春秋舉弗第正統末強賊陳保仔黃住七等陰倚沙尤賊鄧茂七聲勢爲亂官兵久弗克鏞奉檄親往巢穴招撫之許以不死從而復叛者至再鏞間關山谷反覆諭以禍福賊終懷二鏞乃行反間誘諸賊自相攻擊遂設伏殲其首惡於鼎面村羣盜一時就擒事聞詔褒義勇冠帶榮身謝昌字石屏甌寧人純之弟四齡能識字平仄辨棋先後着性至孝善詩文尤諳韜畧官瓊州兼

攝澄邁時寇亂昌自督兵每行用一人持大刀押十人回顧者卽劈之須臾飛集賊洞以火攻之凱旋瓊人德之歌誦更生憂歸築芙蓉樓思親亭終身哀慕置義庄祭田以隆宗族謝瑾字思美甌寧人正統間沙尤寇起瑾勇力超羣屢隨太守張瑛討賊擒渠魁魏富二地方賴之

陳善安字存誠建陽人習韜畧諸書正統戊辰沙尤賊鄧茂七等猖獗八郡騷然善安乃散穀募

兵與邑人王雅屢破賊于大闡屯興上里等處
前後斬獲不可勝計由是縣境晏然總戎大臣
錄其功奏除建寧左衛所鎮撫卒子孫世襲其
官

王雅字孟威建陽人正統戊辰與陳善安糾合鄉
衆幾千人事聞授建寧右衛所鎮撫卒子孫世
襲其官

張鏜字文振建陽人幼從軍湖廣五開衛景泰庚
午苗賊爲患鏜從調赴敵敢勇殺賊有功授本

建寧府志

卷之三十五

武功

十

二百九十四
爾

衛所鎮撫斂村勾洞苗作亂從總戎征勦捷上
功狀陞本衛副千戶子貴襲

張貴鏜之子成化間蔭任湖廣五開衛副千戶弘
治癸丑都勾蠻叛領軍征勦斬獲渠魁陞正千
戶弘治辛酉佐總戎永康侯殺賊于圍口十八
寨累立奇功陞本衛指揮僉事

張大命字我繡輕財好施父惟鵠舉明經終于無
錫丞遂棄儒業學騎射中萬曆丙辰武科進士
歷江西坐營都司討山寇有功遷南贛郴桂南

韶汀邵等處叅將都指揮使凡軍官抵任例有
餽遺大命獨不受講武之餘雅歌投壺有古儒
將風

李必昂字時望浦城人由選貢授雲南祿豐縣尹
擒賊楊泰等奉旨給銀牌花帛獎功又討平鳳
姐等賊亦蒙上賞先是賊蹂躪六縣一州祿豐
城孤人無固志必昂勉以忠義悉力拒守賊數
戰不利遁去擢守趙州補劍州以母老乞歸邑
令高其誼給廢寺田三十畝固辭年八十卒

建寧府志

卷之三十五

武功

十一

三百十四
卜

張爵字允修浦城人嘉靖領鄉薦授南昌通判陞
台州同知倭寇逼城城門閉村落避賊者萬餘
號呼城下爵開門縱入督兵戰于險橋大敗之
斬首百級自是賊不敢犯境

夙道暹字志彰松溪人素以好義爲鄉人所推服
景泰初強賊攻縣治暹奉檄親詣賊巢撫諭生
擒賊首二十餘名招撫人民一千餘家天順末
流賊聚劫縣境暹復奉檄招募民快自輸糧餉
竭力隄備後復親犯矢石斬獲賊首張記得等

境內以安鎮巡官上其事授本縣巡檢專督捕盜事

張德松溪人雅負義氣膽力過人嘉靖間倭攻縣城城中死守相拒三越月倭造天車高與城等一倭跳入手舞大刀衆驚走德獨奮勇前斬之餘倭不知相尾而上者五六人德手盡砍落城下以引火之物擲燒其車明日賊不敢近惟以銃彈遠打城上德不避險竟爲流彈所斃倭解去所全一城生靈德之力也松人至今祠祀之

建寧府志

卷之三十五

武功

十一

三百廿三

陳椿字月泉松溪諸生嘉靖壬戌十二月倭圍縣衆推椿督守八門知縣王賓欲和倭收藥弩以獻椿力阻之賓不聽守兵將散去椿曰今日之事有死而已敢言去者斬衆稍定料理戰守具晝夜不息倭以車梯攻四門椿調曹成等兵出迎戰自晨至晡大敗之城中鼓角助聲勢士勇百倍次日復以雲梯攻椿得奇士號獬狗統兵名壁洲進戰大破之銃火斷椿髮猶督戰不休盡燒其車梯以還倭氣始奪正月援兵至倭拔

營去椿率衆往各營收埋死者屍骸請旌節婦
祠歿敵張德葉樸曹成黃宗華陳錢等事載縣
志甚詳

附范元硯獬狗傳

獬狗者松之溪南人狀貌醜惡多力喜拳劍嗜人
肝不可得則製鐵棍納竹中挾貲夜行餌強
人擊而剖食之謂之獬狗嘗爲其友復仇手
殲村豪八人亡命兩粵嘉靖壬戌倭攻縣獬
狗引其徒三人突圍歸縣人疑爲間謀殺之

生員陳椿曰是爲友復仇者義士也肯爲倭
間乎於是語獬狗曰吾固知子非間然慮子
不能成功無以謝邑人子能從我戰乎獬狗
曰丈夫無以報知己非人也有如今日不能
殺賊諸君烹獬狗而啗其肝所甘心耳乃戰
子西郊奮擊賊斬其渠帥三人腰級以歸先
是城圍急知縣王賓每主和議啣椿等力阻
內愧賊且退旋陷以罪獬狗欲刃之椿不可
曰吾所識義士而犯衆人之議者以茲城非

義十不能保今始得一夕安枕又以椿之故重義士而復戕此遺黎也義士休矣既獬狗年未五十嗇嗇不欲遊人莫知其故忽有從嶺南來者年可十七八貌不甚偉而精悍之氣溢于眉宇乞食於市詢所謂婁山風者不得其人或言獬狗少年浪跡江湖婁山風其號也因詣獬狗獬狗曰始吾殺乃父是兒生未期既聞其有報父志吾使客試之皆非敵也雖然丈夫豈畏死哉於是與角于橋之東

勢凡三變獬狗落橋下以手覆面死乞食者揭其尸於市曰是嘗殺吾父者吾九歲學拳十三學鎗知不能勝十五學劍吾切齒腐心十有餘年乃今始獲報矣吏以殺人論繫獄臬使莫公義之會松有王郎餘黨猖獗屬令討賊乞食者造其巢馘其魁莫公爵之不受賜以百金辭曰吾奉母命復仇今仇人已死願得完歸力養老母母終之年是吾報恩之日也拜辭而去不知所之後邑孝廉范鑑遊

吳楚間屢見之以鬻酒爲業問其姓名不答

建寧府志卷之三十五 終

建寧府志

卷之三十五

武功

十五

四十口